


廣陵名勝圖



廣談名勝圖

圖目

金山

焦山

高旻寺

錦春園

九峯園

康山

平岡豔雲

天寧寺

萬壽聖寧寺

梅嶺春深

城闌清梵

豐市層樓

堞雲春暖

香海慈雲

西園曲水

倚虹園

柳湖春汎

長隄春柳

邗上農桑

趣園

篠園花瑞

桃花塢

杏花村舍

青琅玕館

竹西方徑

平流湧瀑

錦泉花嶼

蜀岡朝旭

小香雪

冶春詩社

春流畫舫

白塔晴雲

蓮性寺

水竹居

臨水紅霞

水雲勝概

春臺祝壽

高詠樓

淨香園

卷石洞天

望春樓

來春堂

萬松疊翠

法淨寺

香阜寺

山亭野眺

功德山

平山堂

金山自瓜洲渡江七里一名浮玉山山頂曰妙高峯有
妙高臺峯頂浮圖七級宋曾布建東麓有朝陽洞下
臨玉帶橋宋蘇軾留玉帶處水中有善財石西北裴
公洞唐裴頭陀居此前瞰石簾山屹立水中相傳爲
晉郭璞墓中泠水在其下寺爲六朝時建康熙三十
八年

聖祖仁皇帝南巡賜名江天寺又屢

賜御書墨寶又有留雲亭冰月樓潮音閣諸處乾隆十六年二
十二年二十七年

皇上翠華南幸疊

賜天章宸翰敬謹摹勒寶藏寺中三十年

御書靜瀾堂鏡冶齋寶帶名藍妙高臺額風恬浪靜四大字

五七言各體詩十一首

御賜臨趙孟頫書雪賦卷一軸臨崔子忠留帶圖畫一軸

御筆畫金山圖一軸

御書福字二幅面南爲

皇上行宮乾隆四十四年恭建

御書樓內供


皇上頒到

欽定古今圖書集成全部

御題文宗閣並江山永秀額



金山



焦山自金山順流而下十五里漢處士焦光隱此故名
山有焦仙嶺西麓有三詔洞觀音崖其下有醉石音
石石屏釣魚臺石霹靂石西北曰碧桃灣東北曰青
玉塢山之餘支東出波心曰松山寥山與山對峙山
有寺未詳建造所始康熙三十八年

聖祖仁皇帝南巡賜名定慧寺又

賜御書法寶寺旁有焦處士祠海西菴水晶菴松寥閣自然菴
香林菴石壁菴海雲菴文殊閣碧山菴友竹菴玉峯
菴海門菴山半則佳處亭山頂則雙峰閣
御題鏡江樓其東有亭供四面佛亭之北步磴而下爲別峯
菴乾隆十六年二十二年二十七年

皇上巡幸疊

賜宸章寶翰又

御書瘞鶴銘敬謹勒石寺東有舊禪堂基址向名天開勝境
今即其處恭備

坐起寺西爲

御書樓珍藏

聖祖仁皇帝

皇上御書墨寶三十年

御書曠觀堂高軼羣倫額又春秋風月因心會上下水天與
目謀波含靜渚心同澈雲在高峯態自靈岷水溯雄
圖神依西蜀焦峯冠靈宇日俯東吳山水足清音賞
尋物表雲烟供靜寄妙契天倪四聯五七言各體詩
九首又

賜御筆紅梅一幅

御臨米芾書跋卷一軸陀羅尼經一部福字二幅

焦山行宮



高旻寺在城南十五里之茱萸灣其水北承淮流西南
通瓜洲儀徵之江潮故亦名三汊河寺有塔曰天中
康熙三十八年

聖祖仁皇帝南巡

賜御書詩綾一幅四十二年兩淮商人建
行宮蒙

賜御書高旻寺及雲表天風塔額又移

大內金佛遣官齋供寺中四十四年

賜御書二聯四十六年

賜御書塔圖并額記詩章暨諸法寶乾隆十六年二十二年二

十七年

皇上南巡俱

賜御書聯額詩章其旁爲

皇上行宮三十年

御書罨畫窻額并綠野農懽在青山畫意堆一聯又

御製七言律詩一首五言律詩二首四十五年


御書得閒堂額清風明月取無盡山峙川流用不窮一聯

御製五七言律詩三首廣陵濤疆域辨一篇先後蒙

恩賞賜書籍法帖內典諸文十餘種四十七年

頒到瑞石蘭亭全卷

高旻寺
行宮



錦春園在瓜洲城北舊爲奉宸苑卿銜吳家龍園乾隆

十六年

皇上臨幸

賜今名

御書匾額又


賜御書竹淨松蕤額二十七年

御製錦春園即景七律一首今兩淮商人公同修建敬備

坐起四十七年

頒到端石蘭亭全卷

錦春園



九峯園在城南舊稱硯池染翰前臨硯池旁距古渡橋
老樹千章四面圍繞世爲汪氏別業即用主事加捐
道汪長馨屢加修葺得太湖石九於江南殊形異狀
各有名肖有雨花菴內奉大士像

皇上屢經臨幸

賜藏香以供又有海桐書屋深柳讀書堂穀雨軒玉玲瓏館

近池水爲亭曰臨池其右數折新建一堂恭備

坐起再右爲風漪閣閣前爲水廳開窓四望據一園之勝乾

隆二十七年蒙

賜御書九峯園額并雨後蘭芽猶帶潤風前梅朶始敷榮一


聯又名園依綠水野竹上青霄一聯三十年蒙

賜縱目軒窓饒野趣遣懷梅柳入詩情一聯四十五年又

賜御書墨刻及大士前藏香搭袱四十八年增建邃室數重

又於雨花菴西臨水置半閣


御題九峯園



康山在揚州新城東南隅布政使銜江春宅畔明正德間武功康海曾寓居其上人因以康山名之後爲大理寺卿姚思考所居詳載

欽定古今圖書集成及揚州府江都縣二志山上爲康山草堂堂前爲數帆亭額皆董其昌書堂東爲觀山臺額竝重光書江春購之拓其三面地益增植諸卉木重樓邃室曲檻長廊又穿池架梁列湖石繞之登臺望遠城外漕河帆檣往來如織隔江山色近在几案山之左爲觀音堂宋元間古刹也晨鐘夕梵與山徑松風相倡答其西北隅爲候選道徐本增園園故多古樹每春夏時濃陰密布蔚然以深今複道相通聯成一景

康山



平岡豔雪在草河南候選州同周柟置亭其上植紅梅
數百本雪晴花發香豔襲人今尉涵重修增置廊檻
數重風亭月榭與修竹垂楊鱗次櫛比近水則護以
長隄遍植菱藕觸處延賞不盡

平岡豔雪

